



Rimnada sistemica da dretg communal dalla vischnaunca da Sagogn

Nummera 350.01.01

Tetel **Uorden da susteniment d'uniuns per affons**

Uorden davart il susteniment dalias uniuns che scoleschan e promovon ils affons dalla vischnaunca da Sagogn el sector da sport e cultura.

Ediziun Ediziun dils 27.11.2006

Valeivel 01.01.2007

Remarca preliminar

Ord motivs da simplificaziun serefereschan indicaziuns da persunas, funcziuns e mistregns en questa constituziun, lescha ni reglement mintgamai sin omisduas schlattenas, expriu ch'ei vegn menziunau explicit zatgei auter egl artechel.

Cuntegn

I. Intent	3
II. Contribuziun	3
III. Determinaziuns finalas	4

I. Intent

Intent

Art. 1

¹ Quei uorden reglescha la contribuziun per affons e giuvenils dalla vischnaunca da Sagogn che fan part ad uniuns che scoleschan, promovon e sustegnan lur commembers el sector da sport e cultura.

² La contribuziun finanziaria duei gidar e sustener las uniuns da sport e cultura che s'engaschan en favur dils affons.

³ Quei uorden sebase sin ina interpellaziun dalla radunonza communal dils 26 da november 2004, tractanda 4.

II. Contribuziun

Dretg da contribuziun

Art. 2

¹ Affons e giuvenils denter 5 e 16 onns (onn digl anniversari) cun dimora (scartiras) ella vischnaunca da Sagogn han il dretg da far diever da quella contribuziun per "lur" union.

Intschess cumpigliau

Art. 3

¹ Ad uniuns ch'ei activas denter las vischnauncas da Glion e Flem e che corrispundan alias pretensiuns digl artechel 1 e 2 da quei uorden, astga la vischnaunca rembursar annualmein ina contribuziun el num digl affon.

Contribuziun annuala

Art. 4

¹ La contribuziun munta a frs. 50.00 per onn e per affon ni giuvenil.

Annunzia per in susteniment

Art. 5

¹ Mintgina e mintgin ch'ei autorisau tenor art. 1-3 e giavischa ina contribuziun, sa far valer il susteniment tochen ils 30 d'october digi onn current alla canzlia communal da Sagogn.

² L'annunzia ha da cuntener:

Union / num / prenum / datum da naschienscha / adressa.

³ Alla damonda ei d'allegar in cedel da pagament.

Pagaments

Art. 6

¹ La vischnaunca paga la contribuziun mo all'uniun (negin pagament direct ad in affon).

III. Determinaziuns finalas

Vigur

Art. 7

¹ Quei uorden ei vegnius relaschaus dalla suprastonza communal dils 27 da november 2006 e va en vigur igl 1. da schaner 2007.

Ediu tras			
Acceptau tras	suprastonza	ils	27.11.2006
Controllau tras			
Igl exemplar visaus ei disponibels sin canzlia communal.			